

竹里集引

竹里集者白齊詩續編也



謂竹里予居種竹故以竹里
名集也詩又有續編無乃勤
且繁哉昔杜工部少陵自謂

語不驚人死不休陸務觀作
詩日有課程年八十猶苦吟
不輟古人與此一事相為命
同死生非性癖則近騃者邪
予適有是病出處衰壯皆於

詩刻意之年老更攻不懈憶
見素林先生嘗云夢蘊相接
多在雪蒼雨碧之下亦得予
情真矣嚮守莆陽日旣梓平
生所作者行于時積數年又

得若干百首役神搜眇至於
智所不能及迺已其或毫而
拙且退亦豈予敢自保哉特
懼它日散落無收拾若可惜
也有相知君子贊予續梓之

因勉以就焉文藁后亦頗多
力綿不能盡刻姑芟撫數十
篇名文畧附詩之後

嘉靖癸未冬十一月長至日
白齋張琦書于君子亭

助工資

鄞邑宰劉先生

甥太學生包朴

門生江陰陳淵潮沂

定海邑宰鄭崇善

白齋竹里詩集續

五言絕句

卷之一

拱北軒

出城

鷄鳴峰

西軒

言志

畫景

包氏東園

雪圖

雙井釣臺

淵明小像

吳中

太白山

春風

濂溪書院

怨雨

水邊叟

林下

胡馬

雨中

書永思卷

登風雲樓

醉俠

農夫

橫石橋

偶書

周方伯書屋

鑑思為吳宗器

偶題

聽止窩

三屏樓

畫景

旌陽山

山人觀書

東樓

東軒

豐氏碑

曉起雨晴

竹亭

石假山

秋日雨中

牧翁

野有虎

飲酒

圍帶隄

闌干

晚興

石壁潭

壬午端陽日

抱甕園

巨川

輓李時行祖

回祥為定海李揮使

稷山擁翠

綠水平橋

西崗樵唱

東壠農耕

白豐牧笛

石浦漁歌

小圃凝香

柳塘風靜

籬落橫梅

春早

見負薪者

別卞大川舟中

書新之夢泉卷

五言絕句後遺七題詩見集

六言絕句

卷之二

不寐三首

答俊上人惠竹二首

別真一上人

四時雜咏

七言絕句

卷之三

雨中出郊

沙村即事

四月苦旱不寐

唐子畏山水畫

梅花扇奉寄大閣老蔣先生

悅茶 迎神遇雨

夏卿画竹 輓江先生

小仙曉色畫 大雪

題王從善尚書卷 虞節婦

梅雨感懷 偶成

月鷺圖為陳萬南 山堂

靜聽秋声卷 搗衣婦

與陳萬南飲史端仁宅

秋光 閒居十二首

高橋 秋日暮下懷恭人

具慶圖 盛水採菱舟

杏雪 梨園教曲畫

送蔣生歸丹陽

二月舟中見梅因折枝

竹枝詞三首 夜夢會夏德樹同作

苦旱 靜齋

掃地 風雨歸村

輞川圖

空舟

寄林汝桓

草堂

雪舟湖夜

詠猿

月林

曉起

寒月大海

春詞十三首

湛一卷為朱僉憲

秋成

觀刈稼

滕王閣

文徵明山水畫

二子觀圖

美人侍硯

沈邛州紅白二色畫菊

扇景

杏花巢鵲

棟塘詩

明州歌五首

歌枕面山小圖

葑莊

一嘿為林木聰

畫馬

贈柳卿仁甫席上

舟中題畫梅扇贈安卿

南莊偶成與嘉遇

自述

題畫有感

書竹泉卷

朱端山水長圖有感

七峰圖

山人觀昼圖

沈周雪山騎驢圖

吳偉畫圖

苦寒曝日小山偶成

鄰春

鵬瀾為陳東之

種竹

自吳田粗述

睡鶴

夢中次唐人題張主人壁韻

書月潛上人卷

蒲中一本為之約之

幼孫方晴既亡庭中植一華隨以落瘞於
根之旁輒開一華就實可愛天意似有存
也喜而賦之

吕仙幻意圖

不寐

飲舟中書陳新之扇

寄語盜酒客

送陳東之之廣右

卓文君

龍宅為陳清之

夢泉為陳新之

遊惠山二首

贈李川父會齋

海棠圖

送包子木會試

鶴鴿圖

風雨泊黃岡涇

送朱太守朝章

過崇德

題白猫新歲文

隱公

哀冒少參鳴和文

雨中中書刺絲之扇枕上作

半山

題画屏二首

畫梅二首

畫竹

晚秋雁鷺圖

讀杜詩大意以自勉

答任躍之

賀定海幕趙君壽詩

白齋竹里詩集續

五言絕句

四明張琦君玉著

玉峯朱欽批點

拱北軒

續錄

北極當頭在江湖萬里情長防春睡熟朝服坐
雞鳴

出城

幽快

東郊漸微綠驅馬忻獨往梅繁野渡晴水落春
山響

鷄鳴峯寺

寺在青霄上空。中人不登天。鷄呼出定。疑有漢時僧。

西軒

無人見處意思

雷聽西江近。簾觀太華低。斜陽恰春意。來照種花泥。

言志

寤化語

得句霜鍾後。怡神雪盞前。莫將容易看。直入上乘禪。

畫景

細齟遣世

先生消息大。為公洗溪石。吾家白木扉。忘却平章宅。

包氏東園

理蔓牽新綠。疏泉放落紅。敲門春午寂。有客夏黃公。

雪圖

古野

人迹渾無徑。山雲半入湖。蜀姬天下少。童子亦當爐。

雙井釣臺

山谷所居有此

出步

雙井堪垂釣，桐江絲共長。
巍巍黃太史，不肯讓嚴光。

淵明小像

想象是

王馬俱何在，孤雲得所哉。
山光悅面頰，豐勝未歸來。

吳中

自知

舊國遺千橘，新湖沒四涯。
深秋成獨往，瘦馬本無期。

太白山

太白三千丈，廬峰上與爭。
道人間管事，終日作山評。

春風

冰雪仇萬物，春風徐解之。
錦裯渾未覺，布被最先知。

濂溪書院

泛泛歸乘化，圓圖五百年。
何當叅院下，風月趁漁船。

然雨

濕熱秋多雨
幽虫不肯吟
幾時晴出院
涼入髮根深

水邊叟

爽亦自得

水居不業魚
秋深賣柚橘
睡美不知脫
船頭海月出

林下

若自道

脊谷千年樹
深山五寸苔
休官非絕響
今見一人來

胡馬

足慄何盤辟
胡郊草木踈
傳聞班定遠
萬里取康居

雨中

綠蘚寒逾碧
山鷄濕不文
江橋三十丈
穿上屋頭雲

書永思卷

愴然

可使滅踵頂
人間日月長
起寫終天事
北風吹燭光

登風雲樓

盛際真非偶風雲共一時盡知天有路誰肯上樓遲

醉俠

壯

賒酒不論價強中奪馬騎千鍾酬死士五斗醉胡姬

農夫

種苗分經緯差差入望深由來莘野手不比寄奴心

橫石橋

地覺秋來瘦舟宜雨外晴野橋將浦樹扶得夕陽橫

偶書

世有此不同

翠管如吾影百年長繞身北隣纏十萬夜夜賽錢神

周方伯書屋

古籍當犀玉幽花奪水沉間來添著作玄晏百年心

鑑思為吳宗器

不是空桑出仍非睨水生百年天地客鏡裏託
深情

偶題

藏弓安宿鳥移燭遠潛魚滿案閒居賦都無封
禪書

聽止窩

達

彙征生不兢良止夢猶安黃屋深天寵青雲儘
蓋棺

三屏樓

鰲背當中起雲華結兩隈長思鍊僊骨挾月夜
飛來

畫景

估舶天邊下漁舡夜未歸回頭問海月何者是
忘機

旌陽山

健語

晚翠橫過水晴雲倒落窓得渠明分野為我截
秋江

山人觀書

溪深知地厚
髮白見松青
雲坐寒生骨
風吹山海經

東樓

山勢彰坤厚
天光薄太清
臣家書萬卷
換得此樓成

東軒

青綾擁鼻卧
已高三丈日
開軒臨東隅
取海濤帟筆

豐氏碑

閣老西涯筆
文章漢氏前
青山標片石
黃絹說千年

曉起雨晴

涼風入庭樹
曉月飛霜鳶
墮髮如白雪
強欲隨青烟

竹亭

數竹寒逾綠
於中亦可亭
凭欄得句處
細雨立蜻蜓

石假山

嘶石嘲精衛開山笑六丁為高無捷術大畧就
丘陵

秋日雨中

貧舍珠如穀荒村雨似塵日來官府峭莫怪索
租人

牧翁

海日昇春樹前村露已晞公非隴頭骨收淚
牛衣

野有虎

猛虎山中宅威靈百獸尊入村人不識童擊夜
開門

飲酒

似回護情則然

戒飲長防病停極愁不禁計量輕與重愁比病
還深

圍帶隄

芳草春隄曲行人或弛肩間疑羊叔子緩帶落
湖邊

闌干

北簷饒顏色彷彿瓊華觀畏盛作闌干約取春
一半

晚興

風逐金行至白榆飛數錢月明三萬里人在玉
峰前

石壁潭

石容壯士色潭影秋禪定燈火讀奇書夜有魚
龍聽

壬午端陽日

蒼筤鬚邊白榴花眼底紅物情非世態顛倒愛
衰翁

感時

魚臭千家市蒲香五月天細分閒鼻息偃蹇卧
屏前

黃流開舊甕綠黍過隣墻時物相招引山藤扶
下床

抱甕園

至逸甕中事魏哉老圃功世人迷不信去問東

園公

巨川

聖作剡木利浮江絕大河春來風色好直打傳
岩過

輓李時行祖

江雲關竹門杏酒罷沽村正熟黃梁夢龍駒報
有孫

回祥為定海李揮使

庭下有菱草天邊無白雲堂堂一輪日照見孝

將軍

稷山擁翠

山有太古色人無金石年醉眠山翠裏猶自說
神仙

綠水平橋

泥橋亞春水上有攜鶴路回首孟津河高濤不
可渡

西崗樵唱

采薪歸長晚月出以為期歌聲隔西嶺互答返

朱詩

東壠農耕

語好

牛脊春陰惡，溪風布褲單。南人解占候，還有種

田寒

白豐牧笛

野朴少高調，東風吹近林。長安絲共竹，惱殺是

多音

石浦漁歌

空洲竹烟暝，釣伴未全歸。野唱歲機事，鷓鴣挾

水飛

小圃凝香

小圃容春窄，索之劉十圍。好香留不住，蜂蝶暮將歸

柳塘風靜

幽思道出

迴合春塘水，無風一鏡平。垂楊自天境，多箇是蟬聲

籬落橫梅

昨遊城西湖，風梅滿船面。花神無定居，籬落還

相見

春早

牛膝寒嶽嶽野日收蠻霧鷓鴣溪南來催人脫
布褲

見負薪者

舉世皆新事逢人非舊顏析薪趨夜火隨鹿下
秋山

別卞大川舟中

農歌撻鼓起雲影共舩行斗酒易成醉長江不

盡情

書新之夢泉卷

泉水無窮盡人非金石年一生竟夢裏終夜落
涓涓

金廷輝先生輓詩

觀瀾夫子道噬蔗伏生書萬室青山下春風燈
火餘

古意和史雪窩

夜靜孤竹西月出人 有影五陵蕩子心無波不

如井

虛白亭

梧葉照初月時無言語聲
再拜周茂叔纔到此
間行

對長春花

明是長春好稜嶒欲自誇
臨池見枯影纔道不
如花

鼓琴圖

文明終影迹寂滅是聲音
洗耳來尋汝青山薜

荔深

予得趙松雪墨竹世短其仕元一事與竹
操相左不甚惜予固知其微意所存也故
詩著之

宋胄揮元筆貞人無貶詞
北窓饒雨露只愛寫
南枝

烹茶

雨葉燒帶濕茶煙直上騰
與誰論此意目斷徑

山僧

畫景

一棹便為家清江又白沙魚筐寒不重大半是
芦花

梅天不可測風雨晚來多滿耳沙邊鳥聲無
渡河

讀金滕

幼君常子性叔相醒人心雷電不分曉幾乎疑
到今

又

三叔流言日居東忽二年帝旁虜呂召不作辨
忠篇

野翁

今歲有餘粒相期祭獵嬉夕陽古城上右手挾
山雌

偶書

岸齧覺興嬾齒搖宜哉柔尚餘秋水眼橫射讀
書樓

漁父

何處是吾家。秋苦飛白花。一雙許子履。踏破下江沙。

野雲

久沒從龍志。閒將鶴背乘。昨來飛度水。叅見少林僧。

今遊

江沙

野雲

今遊

六言絕句卷之二

不寐三首

作者

幽鼠響穿覆瓦。白月寒帶初霜。詩成玉枕人瘦。海入銅壺夜長。

矮牆微照螢火。玄狖入偷柿霜。剗印去腰已久。老懷挂世空長。

殘燭三更黑。藥白齋四壁。玄霜口論。庾廩虛實。脚揣衿袂短長。

答俊上人惠竹二首

靈根過江三里淺碧遮山一重風靜幽巖孔翠
雨來寒翳僧鍾

山客為人性別風篁與俗孤睽二君相逢世上
千載同歸水湄

別真一上人

塵外說來

溜塵路上不遇猿鳥群中偶逢白首搔時斜日
青山別後微鍾

四時雜咏

格高

蝶入梨花無色鶯過青山較黃老眼不宜繁富

新詩剛落齊梁

林邊偶盪田父池上閒呼鶯鷓十日閉門坐雨
荷錢大似盤盂

黃梁作飯秋熟綠橘搓香野歸對月頽頭神健
下天鵲頂毛稀

夢魂杜陵詩史歲月黃公酒爐舊曆纔看大雪
高桃又換新符

四時詩

煙橫柳眉玄思津動鶯喉好音半晴半雨路遠

三月三日春深

右春

催詩最怪山雨畏暑偏依澗花畱客樽開今夜

問天涼在誰家

右夏

秋來倒覺多趣社散童孫醉扶籬下不栽杞菊

門前只好粉榆

右秋

天低平野年暮巷入梅花路橫白髮辭人太駭

青山對我多情

右冬

白齋竹里詩集卷之三續

七言絕句

四明張琦君玉著

玉峯朱嶽批點

雨中出郊

非情想到亦真見道得出

魚龍江上正飛騰竹里歸來笑不能別有好緣
生眼底水明雲白一船僧

沙村即事

夕陽微月暎新秋曲浦斜江竹外流絕似曾遊
夢中踞沃州西去倚扁舟

四月苦旱不寐

夜雷引雷雲壓城燈花不合太分明日來老耳
愁成噴誤聽蚕聲是雨聲

唐子畏山水畫

唐開元間口語

蠻天梅雨雜江潮五月肯林未可樵泥白草深
歸舊隱一支山路入中條

梅花扇奉寄大閣老蔣先生已未坐主

梅花滿地讓高風天上人間又不同澗底東
薪人未寐聽香三繞鶴籠東

悅茶

茶思越絕

壑汁雪中無此美悅茶孤夢繞鎗飛直尋陽羨
山頭路春月生時負擔歸

迎神遇雨

斜陽柿葉雨沉沉皂蓋黃幡不稱心十二街頭
簫鼓濕海神歸廟滙江深

夏卿画竹

尋僧江上入秋雲不意雲中遇此君留得百年
詩骨在十分我瘦竹三分

輓江先生

詩曲江山空復情孤城曉鼓送殘生王孫面目
如前否浪打春樓夢不成

小仙曉色畫

曉色滿眼

曉色初分畫者稀吳生醉墨入玄微千村萬落
月猶在習習雙鳩出樹飛

大雪

千峰雪片大如盃爛羊膂滿地炬誰肯朱門
開一板野橋西望有僵夫

題王從善南遊卷

德公御里亦升堂鼓篋雲山問道忙浦雨梅風
南國路萬壺聲裏到襄陽

虞節婦

是

眼裏衰姑腹裏娠百年聊寄夢中身莫將欠死
勞饒舌萬古程嬰有幾人

梅雨感懷

想見亦可感

千家礎濕雨如絲茉莉薔薇正及時七十二年
張大士斜陽白耳對荒池

偶成

半醒半醉倚繩牀
枕石江樓水氣涼
荳莢筋長
秋杵大滿天
秋興到南莊

月鷺圖為陳萬南

欲上青天
不礙稀雲川
葦澤未忘機
隔江夜冷沙
鍾早起
逐秋光
月裏飛

山堂

此地步何人爭

馬前一鶴伴
予還萬卷圖
經又未聞
獨喜年來
堪自大
曲肱無禮
對秋山

靜聽秋聲卷

看此老立句

秋聲先到翠山堂
六尺孤幃未受涼
我愛靜時
天不靜
半天急雨
抗斜陽

搗衣婦

情至

冰霜入襪不柔勻
萬杵邊頭聞不聞
二十年來
辛苦手定無
春筍付還君

與陳萬南飲史端仁宅

三春別路梨花雨
五月歸來稻穗風
二十年前
郊與島一時歌
咲落杯中

秋光

名狀苦到

數行白鷺雪為衣。雲葉芦花作陣飛。添箇秋光迷物色。夕陽無處喚鴛鴦歸。

閒居十二首

味味亦足一快

酒費猶將鶴料分。竹房幽靜窄如裙。高秋老興無昏晚。暝撥江船戛寺雲。

一縷晨香入眼青。猛然援筆注茶經。兒童塔下

事來報鄰翁醉已醒

韻

不爭棊道懶彈琴。臨帖觀書偶用心。新水栽鴛鴦

不必改

三百箇門東流過似山陰

高簷昨夜雨如江。日出池晴竹一窓。金鯽與人相狎。慣亂遊波面。復成雙。

眼看舊史爭閒氣。身約幽人負好期。寂處有喧渾不覺。竹邊午馬齧枯蕪。

門前小雨罨輕埃。江上晴山帶薄雷。我鶴比凡高一格。茶煙生處却飛來。

歸來一片靜中緣。木石同堂或坐眠。點檢世間誰得及。只多軒響不如禪。

山乘木屐水乘舸綠柳門前畧似陶客亦可來
無大嚼黃雞秋壯一拳高

面江臨渚晝開門此是東城第一村社醉歸來
雙袖墮櫻桃滿地引兒孫

一飲還堪盡一升酒邊萬事不相能春來但覺
詩神減夜半烹雞祭少陵

賈島曾祭詩神

好酒三杯粥一盂數莖頭髮下千梳明燈矮屋
松油氣看到人間我見書

山客敲門不肯應青藤倚壁坐橫肱秋懷萬里

或

誰知我天目孤雲鴈宕僧

高橋

甌越曾行水日東赤欄橋道過丹楓三年一別
纔回首往事悠入畫中

秋日墓下懷恭人

傷我情至

夫人地下嬾開口蟋蟀草根饒舌鳴落日秋風
雙袖濕斷腸禁不到清明

猶憶烘壚酒半盃夜窓讀苦慰寒儒此心私語
無人問月出墳頭叫白狐

舊事新愁過十分殘生兩脚寄秋雲回頭猶愛
芙蓉好一朵秋光薦小君
秋草茫茫入化城上天無路乞生靈張騫又欲
尋消耗不道人間葬女星
君逐飛花泣斷魂我如病竹倚僧門五年一別
路猶在不肯歸來看子孫

辛苦纈繫四十年疏裙大練入秋煙平生話語
還堪記野草西風問木綿

具慶圖

親老光陰比尺璧子如持璧以臨淵君歸合禮
東華拜更乞高堂數十年

昔年盛水採菱舟

閶闔門前水半城採菱舫去月如燈未漂黍爛
無消息明歲農夫學種菱

集杏雪二月二十日盛雪家有杏花落滿地

昨日雷声今日雪紛紛滿地可憐花行人減頂
寒如雀十里前村無酒家

又

縵被春寒曉下床
半天微月雪爭光
杏花無賴猶尋主
燕背殘紅入院墻

梨園教曲盡

好

梨花千樹雨初收
大內春風不盡頭
新製樂章音調澁
教他依舊唱伊州

送蔣生歸丹陽

昔年文彩欲茫茫
瓜果相逢野殿香
茉莉正開簷蔔謝
百花共我送君忙

二月舟中見梅因折枝

東風留客却相遺
蜺子扁舟載汝歸
尤物必爭藏不得
野鶯江燕逐人飛

竹枝詞三首

亦近蜀吟

桃花零落柳花飛
從此烏雲入鬢稀
舟楫無情天澹薄
載君去未會歸

妾家住近蜀江頭
苦竹平蕪人易愁
燕子今朝飛社雨
郎船何日到開州

自古人心起浪波
知君別後意如何
妾腸只有相思曲
還比巴江曲更多

夜夢會夏德樹同作

作家自別

二月新林花滿枝攀山蹋閣遠相隨老來氣候尋常準海上潮生正有詩

苦旱

白日青天眼角枯雷門不響鼓無袍官司誰抱肌膚切漫爾虛文出祭雩袍亦作禱

靜齋

要識得

圓圈動靜互為根須向乾高識厚坤茶竈不烟春火伏鳥鳴竹響正開門

掃地

有疑未盡看書功散帚翩翩落葉中直要空來求一睡殘書擲地帚墻東

風雨歸村

昨日微晴人出村今朝花柳欲銷魂雨喧笠子歸猶晚可待春潮夜打門

輞川圖

輞川莊下多漁屋舡外雲光柳外沙可是胡雛有羅網鱖魚味美不還家

空舟

言有指切

破楚攻吳事了還便將舟楫做空閒有時問渡
風波急舡在浮萍若箇灣

寄林汝桓

夢裏依稀是昔年覺來人在五雲邊問予老格
今何似春月秋藤一病仙

草堂

寥落川流舊草堂開門正對杜陵莊江村早晚
無占候只試風簾影短長

雪舟湖夜

官妓紅粧擁下舡風流猶記十年前老來骨硬
無人愛一篙孤篷看雪眠

詠猿

從來遷客怕猿愁落月空江榕樹秋何處聽之
最垂淚夢回篷底過巴州

月林

石林風葉不粘泥片月長光下白霓夜半衣裳
綿葛換新寒初動鶻巢西

曉起

獨立山前半似僧數莖詩骨峭如水忽看乳燕
初飛出觸落薔薇露一升

寒月大海

襟洒然

寒月白似白玻瓈秋毫滄海照無遺此時好結
神仙伴去借東方赤鯉騎

春詞十三首

綺語不失幽致

酒堪剛制不禁詩燕感鶯狂未靜時老筆年來
愛莊整茶蘼影裏畫烏絲

幽人獨坐鳥雙呼物我觀來不大殊行蟻上花
多意氣伍中誰是執金吾

愁結強胡酒用兵相持三月未能平不如兩物
都忘却散漫春窓鳥一聲

獨語流鶯奏樂章梨花葉底酒泔泔百年已割
半生去一歲無如二月長

春懷欲起聘東風破病還須醉有功舊日酒爐
今在否作書為我問黃公

野芳能作自然香遊絮高飛春日長聞說東鄰

纏十萬揚州千里乞花王
城上春雲壓遠沙君騎白馬向誰家
踈星短燭無人語應有空堦暗落花
風窓讀書花片紅拂去還來亦怙公
老眼何曾牽句讀數行直下曲肱中
桃花面頰上紅潮巧笑何人問寂寥
安得後愁千丈帚日纔窓外種春茗
曉月流光過海棠池邊初日已蒼蒼
遠書正好逢春寄水面遊魚尺五長

美目清江春出行白雲承襪曉盈盈
閉門要學木居士黃鳥相呼坐不成
乳鶯啼過柳枝低江雨晴來草葉齊
九十日中無好醉落花如夢到棠梨
得氣春蟲篆壁遊感時黃鳥說新愁
我將定性書當枕飛過楊花不下樓

湛一卷為朱僉憲

一疵不著臨秋水風帚煙雲別是天
指點此時真氣象直須三月不違前

真秋成

豐樂景色

五月今年不糶新土塲秋穀大如塵夕陽伴月
藤蘿外歸路村村有醉人

觀刈稼

細雨晴來不濕衣雲黃水白正斜暉豐年猶恐
多狼籍坐看兒孫拾穗歸

滕王閣

都督張筵試綺毫東風帆似挾鴻毛滕王高閣
秋雲上童子來添一半高

文徵明山水畫

天外群峰入紫清中間有路少人行江深草閣
潮如客早晚相過不世情

二子觀圖

十日江頭酒債除恼人筆硯又圖書百年盡為
形骸累未信人間有隱居

美人侍硯

一寸春光一寸金幽詞長句墨花深蛾眉未必
同生死相對新蕉不放心

同土沈邳州紅白二色畫菊

如意

西施粉白太真紅秋色爭春亦自工
博浪沙頭風凜凜留侯面與婦人同

杏花巢鵲

三日營巢聚羨藜烏鳶便欲奪高棲
東風早晚來相管吹上飛花補牖泥

扇景

玄

勝事自知長獨往白雲無意偶同游
山中花尋常物萬里乾坤掛杖頭

明州歌五首

山入關門海入州海中白蜃吐高樓
公家政簡民安作細雨斜陽歸飯牛
扁舟白髮芰荷香人指前頭賀監鄉
西去洞天還有路人家兩岸種昌陽

斥鹵青陽滄海濱扶桑隔水是文身
孤城野市無風雪畫鼓朱幡迎早春

日來海上靜無波越舫閩檣陣陣過
八月江頭看水戲紅簾垂地倚青娥

鴨欄初曙小晴天出海春雲半是煙桃花渡頭
人未動野鳶飛上賣魚舡

棟塘詩

棟塘仙土在凡間野氣春陰水一灣小艇不量
輕與重晚來撐出載青山

葑莊

醫仙種葑如栽玉疏水兮畦日日来更欲門頭
開一路小筐南去採天台

歌枕面山小圖

幽致極想

樹卧溪流人偃石野虛涼雨入脾清手橫一部
南華子山轉斜陽字字明

畫馬

偃息自在

千騎萬乘出初連百戰何曾滅右賢今日歸來
皮肉長桃花細草苑牆邊

一嘿為林本聰

越見默趣

鷺啼座右燕窓東居士無言木石同最有哦詩
禁不住遠携聲響到山中

贈柳卿仁甫席上

柳卿歌處作朝陰
畫棟無塵地有金
太史樽中多別意
黃鸝飛過綠江深

舟中題畫梅扇贈安卿
木石同是骨
雪月光中覓未真
玄雲影外獨精神
紙間一管凌寒筆
不與雷同畫好春

自述

白齋老子解蒲符
竹里歸來鵝呼辛苦
一生詩句在衆中
誰合做於菟

南莊偶成與嘉遇

似有事然亦不涉

夜撥魚罾朝出耕
漁農兩路是平生
阿翁樓上休呼醒
方與白雲眠有情

書竹泉卷

有雲長覆泉頭竹
無日不流竹下泉
巢父歸天一千載
今人又到此溪邊

題畫有感

千秋觀下水入田
木落秋晴山近天
賀監宅前瀉鵝路
酒舡歸去夕陽邊

朱端山水長圖有感

已把東山作急圖。水飛雲動與神俱。千峰萬壑
啼黃鳥。待我歸來借一隅。

七峯圖

隱約無人道得

七峰尖峭似陳兵。江外諸山合與爭。天地年來
愛。藏用淡雲微雨不分明。

山人觀畫圖

野竹新泉入肺清。圖經到眼正分明。山中雲氣
無長好。前手陰來後手晴。

沈周雪山騎驢圖

詩家天地不知寒。十月騎驢度七盤。深雪微鍾
山欲午。千峯猶未見長干。

吳偉畫圖

秋水長天一色如。小仙分割借吾廬。斜陽紅葉
閒留坐。推過儒書讀道書。

苦寒曝日小山偶興

羣峰透雪似攢笏。桃杏衝寒欲破膚。草坐莫教
人喚起。半墻初日照東隅。

鄰春

萬杵鄰春月未低
夢回聽處雜霜鷄
人生衣食相驅使
不信床頭有蒺藜

鵬瀾為陳東之

曾聞九萬說南圖
茲事後前信有無
我欲勸君尋道体
碧瀾深處下工夫

種竹

何可此君一日無
對君忘爾又忘吾
只今意味誰知得
落日微風舞醉鬚

自吳回粗述

寫意真

心到苦時形便瘦
脚從迷處路方真
白頭海內收遺業
也有三分嫵媚人

睡鶴

春夢無端逸八溟
白雲鋪地豈青青
醒來自計無多刻
未了黃庭一卷經

夢中次唐人題張主人壁韻

腹有瞿塘口有金
相逢對面藏高深
張氏主人我同姓
七百年來無此心

書月潛上人卷

高邀惠遠伴枯禪一性空來似鏡圓三十年過
清淨眼何曾水底避嬋娟

蒲中一本為方約之

江沱有水岷峨出中古分流作兩川正喜同堂
盡春醉刺桐花發又開船

幼孫方晴既亡庭中榴一華隨以落瘞於
根之旁輒開一華就實可愛天意似有存
也喜而賦之

孤榴非是木之災冉冉紅肥入眼未應喜晴陰

魂不斷遠後合浦販珠回

呂仙幻意圖

神仙欲語誰堪語城郭曾來今再來東老銷沉
無碧眼兩環空挂夕陽回

不寐

裹衲孤眠何處村夜深飢犬吠遊魂冷懷欲出
尋僧去寒月斜光未過門

飲舟中書陳新之扇

眼前事玄遠靜幽

虎丘山煙晚作紫虎丘山花嬌起舞惜笙落蕭

都不鳴坐上。微聞白雲語。

寄語盜酒客 癸未四月一日夜人入盜酒

綠醕春香賽碧波。忽煩吏部夜相過。卧教守者
毋驚。逐我盜乾坤酒已多。

送陳東之之廣右

高灯夜語正堪聞。白髮青山又送君。嶺樹不能
遮望眼。直隨飛雁入高雲。

卓文君

畫屏深處夜黃昏。孤鳳燈前欲斷魂。琴語求凰

誰解得。獨分明。是卓王孫。

龍宅為陳清之

潜雖伏矣不終藏。抱子眠龍夜夜光。海若最知
消息事。問渠頭角幾何長。

夢泉為陳新之

天無煥寒無雨霽。竹裏流泉四時至。夢操几杖
往從之。月落驚鷺隨孝鳥去。

遊惠山二首

龍口飛泉出洞靈。薔薇花白野鳥青。道人亦有

登臨興歸買春山放草亭

惠山泉水壓吳天烟月空過四十年今日與泉
如有約又添幾道寫新篇

贈李川父

十萬曾中小范兵西來筆陣海為清崛強亦有
龍髯子未肯公然棄一城

海棠

東墻西院正春寒露下新花濕未乾絕似太真
眠不足梳痕留與上皇看

送包子木會試

曉鼓嚴霜人欲行龍飛白馬出孤城縱橫春黑
三千字

明辟當天待長卿

鵲鴿圖

卷焦荷葉半含青一段淒涼付鵲鴿蓮子雖多
本同蒂殷勤叫與魏文聽

風雨泊黃岡涇

船隨歸燕入黃昏楊柳江南到一村行傍人家

求夜火東風亂雨不關門

送朱太守朝章

意遠

門外槐根五馬催青山舊宅似行臺身名未了
乾坤積魚鳥紛紛入夢來

過崇德

狀景物妙入

舴艋西行人市中三盃魯酒不禁風野橋佳李
逢人買兩手斜陽半面紅

白猫

白猫不啻白如綿春日初高雪一拳更欲冷開

清淨眼石楠花外伴僧眠

聽松

下岡天邊只夢逢耳端今日是真松鶴鳴琴弄
都不響人在徂徠第一重

哀冒少叅鳴和

舊紙長篇迹已空白榆青草踞無窮行人怕打
墳頭過落日新碑大夢中

雨中

時事感人渾欲迷萬家風雨滿城泥春溪百舌

無消息鄰豎門東索飯啼

枕上作

山中飽飯癯三餘老眼無光懶看書夜半不眠
非有約滿天風雨響櫻櫚

半山

悟得功名是攫金回頭便減出時心黃獐引路
無多遠已教人間沒處尋

題画屏

人間舟楫舳舻畫販魚鹽夜採珠只有小家

生意少載舩秋色過南湖

烏石橋邊白蕙香翠屏風下半天涼敢將打睡
消磨過眼底書簽又夕陽

畫梅二首

見梅陡覺詩神健別號當呼去病花魂夢直隨
三萬里一枝瘦影過流沙

梅不在地開在天月光消減半空煙夜深要作
遊仙夢添箇詩人一處眠

畫竹

與竹相交夢亦親每乘殘醉到西隣今誰送得
瀟湘雨終日秋堂却恼人

晚秋雁鷺圖

鴻雁嗷嗷集晚川半如楚渚半吳田夕陽滿眼
無人見稍似南歸得意天

讀杜詩

少陵千載是吾師稷契心懷汗漫辭高燭
親把卷兩行清淚北征詩

賀定海幕趙君壽六十

人看寡過正遽年宦思雲情各渺然黃鶴書啼
春有力海桃開到石屏前

答任躍之

白髮如今白更多山中遺我白雲歌老來音響
難為繼雨點秋池入破荷